

Naaja H. Nathanielsen
Attavitsoq / Løsgænger

Nuuk, den 4. juli, 2016

Inatsisartut suleriaasianni § 37 naapertorlugu Naalakkersuisut imak apeqquteqarfigaakka:

Naalakkersuisut ataatsiminnissami pisussami inatsimmut allanguutissamik siunnersuuteqalersaarpát, allannguutissatut siunnersuutissap qulakkiissallugu Aatsitassarsiornermi Aningaasaateqarfiup uninngasuutaata iluanaarutai kisiisa atorneqarsinnaassasut?

(Inatsisartuni ilaasortaq, Naaja H. Nathanielsen, attaviitsoq)

Tunggavilersuut

2015-imi ukiakkut ataatsimiinnermi siunnersuutigisakka pingasut akuerisapput, tamarmik siunertaraat Aatsitassarsiornermi Aningaasaateqarfiup inatsisitigut sinaakutaanik naleqqusaanissaq. Siunnersuutaasunit pingasunit siunnersuutit marluk suli timitalerneqarsimanngillat. Naalakkersuisut siusinnerusukkut neriorsuuteqareersimapput 2016-imi ukiakkut ataatsimiinnissami pisussaassasut.

Inatsimmik allannguutissatut siunnersuutip timitalerneqarsimanngitsup aappaa tassaavoq Aatsitassarsiornermi Aningaasaateqarfiup isertitassanut aalajangersaanera¹. Allanguutissatut siunnersuutaasooq tusarniarneqaqqammerpoq 2016-imi ukiamut atatsimiinnissamut saqqummiunneqarnissaminut piareersimanissaa ilimagineqartariaqarluni.

Inatsimmik allannguutissatut siunnersuutaasup timitalerneqarsimanngitsup tulliusup siunissami aalajangersartuussaassa tassaavoq Aatsitassarsiornermi Aningaasaateqarfiup uninngasuutaata iluanaarutai kisiisa atorneqarsinnaanissai. Siunnersuutaasup siunertaraa kinguaassatta aatsitassanik isertitatsinnik iluaquteqarsinnaanissaat².

Takusinnaasarali malillugu taanna allannguutissatut siunnersuut tusarniutigineqarsimanngilaq. Siunnersuut Inatsisartunit akuerisaammat Naalakkersuisullu 2016-imi ukiakkut ataatsimiinnissamut allannguutissamik siunnersuuteqarnissaminut neriorsuinikuummata,

1

http://inatsisartut.gl/dvd/EM2015/pdf/media/2636712/pkt122_fm2015_bf33_raastoffonden_definition_najn_inuit_a_taqatigiit_dk.pdf

http://inatsisartut.gl/dvd/EM2015/pdf/media/2636710/pkt122_fm2015_bf33_raastoffonden_definition_najn_inuit_a_taqatigiit_gr.pdf

2

http://inatsisartut.gl/dvd/EM2015/pdf/media/2636564/pkt120_fm2015_bf33_raastoffond_najn_inuit_ataqatigiit_gr.pdf

http://inatsisartut.gl/dvd/EM2015/pdf/media/2636566/pkt120_fm2015_bf33_raastoffond_najn_inuit_ataqatigiit_dk.pdf

Naaja H. Nathanielsen

Attavitsoq / Løsgænger

ilimagaara qanittukkut tusarniutigineqalissasoq. Naalakkeruisut Inatsisartut aalajangigaat malinnianngikkunikku taamatut aalajangernertik sunik tunngaveqarnersoq itisilersinnaavaat.

Ullut suliffiusut qulit qaangiutsinnagit akineqarnissara piumasaraara.